



Број: 01/3-50-1-3-45/10

Сарајево, 11. 5. 2010.

## Z A P I S N I K

### 45. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 11. 5. 2010.

Sjednica je počela u 12 sati.

Sjednici je predsjedavao predsjedavajući Komisije Slavko Jovičić.

Sjednici su prisustvovali članovi Komisije: Nermina Zaimović-Uzunović, Šemsudin Mehmedović, Mehmed Suljkanović, Jerko Ivanković Lijanović, Željko Kuzmanović i Ljiljana Milašin.

Opravdano su odsustvovali Ekrem Ajanović i Salko Sokolović.

Sjednici su prisustvovali: Lamija Kozarić-Rahman, generalni direktor Izvozno-kreditne agencije BiH, Darko Čobanov, zamjenik direktora Ureda za veterinarstvo BiH, Nedim Hogić, pravni savjetnik USAID, Šefika Tutundžić, šef odsjeka u MVTEOBiH, Medina Delalić, viši stručni saradnik u Sektoru za odnose s javnošću, Emira Češljarić, sekretar Komisije za vanjsku trgovinu i carine, i Radomir Marjanović, stručni savjetnik u Komisiji za vanjsku trgovinu i carine.

Za sjednicu Komisije predložen je i jednoglasno usvojen sljedeći

## D N E V N I R E D

1. Usvajanje Zapisnika 44. sjednice Komisije,
2. Razmatranje Izvještaja o radu Upravnog odbora Izvozno-kreditne agencije (IGA) za 2009. godinu, broj: 01/02-50.-3-514/10, od 1.4.2010., radi dostavljanja Mišljenja Predstavničkom domu,
3. Tekuća pitanja:
  - a) Prijedlog Komisije Kolegiju Predstavničkog doma za obustavljanje zakonodavnog postupka o prijedlozima zakona o izmjenama Zakona o carinskoj tarifi BiH iz 2007. godine,
  - b) Upoznavanje s predstavkom Veterinarske komore F BiH, broj: 01/3-50-1-3- 533/10, od 14.4.2010., upućene Komisiji u vezi s dosljednom primjenom odredbi Zakona o veterinarstvu BiH.

### Ad. 1. Usvajanje Zapisnika 44. sjednice Komisije

Zapisnik 44. sjednice Komisije usvojen je jednoglasno, bez primjedbi.

## **Ad. 2. Razmatranje Izvještaja o radu Upravnog odbora Izvozno-kreditne agencije (IGA) za 2009. godinu, broj:01,02-50.-3-514/10, od 1.4.2010., radi dostavljanja Mišljenja Predstavničkom domu**

U uvodnim napomenama predsjedavajući Komisije Slavko Jovičić rekao je da je Upravni odbor Izvozno-kreditne agencije, na osnovu člana 14. stav (3) Zakona o osnivanju Izvozno-kreditne agencije Bosne i Hercegovine, dostavio 1.4.2010. Parlamentarnoj skupštini BiH na razmatranje Izvještaj o radu Upravnog odbora Izvozno-kreditne agencije BiH za 2009. godinu. U nadležnosti Komisije je da razmatra Izvještaj i o zauzetom stavu dostavi mišljenje Predstavničkom domu PSBiH.

U raspravi su učestvovali: Lamija Kozarić – Rahman, Jerko Ivanković Lijanović, Željko Kuzmanović i Slavko Jovičić.

Lamija Kozarić- Rahman, u ime Izvozno-kreditne agencije BiH, istakla je da je u toku 2009. godine Agencija imala gubitak od 2,6 miliona KM koji je pokriven iz rezervi i da se u junu putem IPA fondova očekuje tehnička pomoć u iznosu od milion eura. Osnovna karakteristika poslovanja u 2009. godini je nedostatak sredstava za sve aktivnosti IGA-e zbog čega nije mogla odgovoriti na sve zahtjeve privrede.

U 2010. godini na teret IGA-e i njenog ranije akumuliranog kapitala realizirana je data garancija firmi „Panefin“ iz Srpcu u iznosu 3.300.000 eura što je još više otežalo i ograničilo poslovanje. IGA posjeduje hipotekarne garancije nad imovinom ove firme i učinit će sve da ova sredstva budu vraćena iz redovnog poslovanja „Panefina“.

Nakon rasprave, Komisija je, sa šest glasova „za“ i jednim glasom „suzdržan“, **prihvatila Izvještaj o radu Upravnog odbora Izvozno-kreditne agencije Bosne i Hercegovine za 2009. godinu i predlože Predstavničkom domu PSBiH njegovo usvajanje.**

## **Ad. 3. Tekuća pitanja**

### **a) Prijedlog Komisije Kolegiju Predstavničkog doma za obustavljanje zakonodavnog postupka o prijedlozima zakona o izmjenama Zakona o carinskoj tarifi BiH iz 2007.godine**

U uvodnim napomenama predsjedavajući Komisije Slavko Jovičić rekao je da su Komisija za vanjsku trgovinu i carine 20.7.2007., a Vijeće ministara BiH 22.8.2007., dostavili Predstavničkom domu na razmatranje prijedloge zakona o izmjenama Zakona o carinskoj tarifi Bosne i Hercegovine koje je Predstavnički dom usvojio 27.9.2007. u prvom čitanju. U amandmanskoj fazi Komisija je pokušala s predlagачem Vijećem ministara BiH pronaći način da se dva prijedloga zakona usaglase, te je 15.11. 2007. amandmane na Prijedlog zakona predlagачa Vijeća ministara BiH dostavila Upravnom odboru UIOBiH na odobrenje.

Predsjedavajući UO dopisom broj: 02-18-57-5/07, od 15. 1. 2008., obavijestio je Komisiju o zaključku 85. sjednice UO da ne odobrava amandmane na Zakon predlagачa Vijeća ministara BiH, a amandmane je odbilo i Vijeće ministara BiH pozivajući se na zaključak UOUIOBiH.

Istakao je i činjenicu da je nakon usvajanja oba prijedloga zakona u prvom čitanju došlo do primjene Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006) od 22.11.2007. i do primjene Privremenog sporazuma o trgovini i trgovinskim pitanjima između Evropske unije i Bosne i Hercegovine od 1.7. 2008., što je također razlog da Komisija predloži obustavljanje daljnjeg postupka o prijedlozima zakona o izmjenama carinske tarife Bosne i Hercegovine iz 2007. godine, jer daljnje razmatranje nema svrhe.

U raspravi su učestvovali: Šefika Tutundžić, Mehmed Suljkanović, Šemsudin Mehmedović i Slavko Jovičić.

Nakon rasprave, Komisija je **jednoglasno z a k l j u č i l a** da predloži Kolegiju Predstavničkog doma da razmotri mogućnost za obustavljanje daljnjeg zakonodavnog postupka o prijedlozima zakona o carinskoj tarifi Bosne i Hercegovine iz 2007. godine iz navedenih razloga.

**b) Upoznavanje s predstavkom Veterinarske komore FBiH broj:01/3-50-1-3- 533/10, od 14.4.2010., upućene Komisiji u vezi s dosljednom primjenom odredbi Zakona o veterinarstvu BiH**

Predsjedavajući Komisije upoznao je prisutne s predstavkom Veterinarske komore Federacije BiH koja je upućena Komisiji s molbom za posredovanje kod jedinstvene identifikacije životinja koju treba da obavlja Agencija za označavanje životinja Bosne i Hercegovine. Nedosljedna primjena odredbi Zakona o veterinarstvu BiH može se štetno odraziti na međunarodne obaveze koje je preuzela BiH kao i na odnose s međunarodnim trgovinskim institucijama.

U raspravi su učestvovali: Darko Čobanov, Šemsudin Mehmedović, Mehmed Suljkanović i Slavko Jovičić.

Darko Čobanov, u ime Ureda za veterinarstvo BiH, upoznao je prisutne s Informacijom o statusu, legalitetu i legitimitetu rada Veterinarske komore Federacije BiH, Federaalnog ministarstva poljoprivrede, vodoprivrede i šumarstva- Sarajevo. Istakao je da je Agencija za označavanje životinja BiH uspostavljena Odlukom Vijeća ministara BiH sa sjedištem u Banjoj Luci krajem 2002. godine i u sastavu je Ureda za veterinarstvo BiH. Jedinstveni sistem za označavanje životinja uspostavljen je samo za goveda, reguliran Pravilnikom usvojenim krajem 2009. godine, a označavanje ostalih životinja, tj. ovaca, svinja, koza bit će u primjeni kada sistem bude funkcionalan, a najvjerojatnije od 1.1.2011.

U raspravi je ukazano na inertnost rada Agencije koja ni nakon sedam godina, što je nedopustivo dug period, do sada nije izvršila obilježavanje i registraciju ostalih životinja.

Nakon rasprave o navodima iz predstavke Komisija je **jednoglasno z a k l j u č i l a** da Ured za veterinarstvo BiH sačini i Komisiji dostavi Informaciju s dokazima i činjenicama o navodima iz predstavke. Komisija će, po dobivanju Informacije, ponovo razmatrati predstavku kao tačku dnevnog reda. Na sjednicu Komisije potrebno je pozvati predstavnike Ureda za veterinarstvo BiH, Agencije za označavanje životinja BiH i veterinarskih komora entiteta i nadležnog organa Brčko Distrikta BiH.

Sjednica je završena u 13,30 sati.

Sekretar Komisije  
**Emira Češljarić**

Predsjedavajući Komisije  
**Slavko Jovičić**